



Selamat Datang
Ke Laman Portal
Universiti Putra Malaysia

UTAMA | FAKTA & ANGKA | DIREKTORI KAKITANGAN | LOKASI | PETA LAMAN | SOALAN LAZIM | HUBUNGI KAMI

CARI



Isnin, Mac 21, 2016

MENGENAI KAMI | PENYELIDIKAN | AKADEMIK | JARINGAN | ANTARABANGSA | KEHIDUPAN KAMPUS | PERKHIDMATAN

| A- | A+ | EN | RU | AR

BERITA »

Nur Ain Nabisyah Azmi dipilih penerima Anugerah Ikon OKU



Oleh: Yasmin Yusoff

SERDANG, 4 Mac – Pelajar Bachelor Sains (Pembangunan Manusia), Fakulti Ekologi Manusia (FEM), Universiti Putra Malaysia (UPM), Nur Ain Nabisyah Azmi dipilih sebagai penerima anugerah Ikon Istimewa Kebangsaan sempena Program Konvensyen Orang Kurang Upaya (OKU) Kebangsaan 2016.

Anak sulung daripada tiga beradik itu berkata, penganugerahan itu diharap dapat memberikan contoh serta tauladan yang baik kepada rakan-rakan OKU yang lain.

Nur Ain Nabisyah turut menyuarakan hasrat beliau supaya golongan OKU sepertinya diberi layanan sama seperti masyarakat lain. Beliau turut berkongsi pengalaman berkenaan layanan sesetengah pihak yang mendiskriminasikan warga OKU.

"Saya juga berharap fasiliti bagi OKU di Malaysia dapat ditambahbaik termasuk di Institusi Pengajian Tinggi (IPT) dan tempat awam bagi membantu golongan OKU menjalani kehidupan dengan baik," katanya.

Nur Ain Nabisyah, 20, pelajar semester kedua di FEM, berkata ia akan menjadi pemangkin untuk beliau terus berusaha meningkatkan kualiti hidup.

"Meskipun saya adalah OKU, saya mahu bersama-sama menyumbang dalam masyarakat sama seperti rakan-rakan saya yang normal dan menjadi contoh kepada OKU lain dengan berusaha dengan lebih kuat untuk terus berjaya," katanya.



Anugerah Ikon OKU anjuran Yayasan Komuniti Inklusif Langkawi (LICO) itu diadakan dengan kerjasama Kementerian Pembangunan Wanita, Keluarga dan Masyarakat. Ia bertujuan untuk menginklusi serta meningkatkan taraf hidup golongan OKU. - UPM

